



Fondo Europeo de Desarrollo Regional
Una manera de hacer Europa



CONVENIO DE COLABORACIÓN ENTRE A ENTIDADE PÚBLICA EMPRESARIAL AUGAS DE GALICIA E A UNIVERSIDADE DE SANTIAGO DE COMPOSTELA PARA A INVESTIGACIÓN E AVANCE NO MODELO DE CIRCULARIDADE D*O CICLO INTEGRAL DA AUGA EN GALICIA, NO MARCO DO PROXECTO INNOVAUGAS 4.0, COFINANCIADO NUN 80% DO GASTO ELIXIBLE POLA UNIÓN EUROPEA A TRAVÉS DO FONDO EUROPEO DE DESENVOLVEMENTO REXIONAL (FEDER), NO MARCO DO PROGRAMA OPERATIVO FEDER PLURIRREXIONAL DE ESPAÑA 2014-2020

Santiago de Compostela, 27 de xullo de 2022

REUNIDOS



Dunha parte, Ethel María Vázquez Mourelle, conselleira de Infraestruturas e Mobilidade en nome e representación da entidade pública empresarial Augas de Galicia, na súa condición de presidenta da citada entidade, no exercicio das funcións atribuídas polos artigos 13 da Lei 9/2010, de 4 novembro, de augas de Galicia e 6 do Estatuto da entidade pública empresarial Augas de Galicia, aprobado polo Decreto 21/2012, do 12 de xaneiro



Doutra, Antonio López Díaz, reitor magnífico da Universidade de Santiago de Compostela, no uso das atribucións que lle confire o artigo 85 dos Estatutos desta universidade, aprobados polo Decreto 14/2014, do 30 de xaneiro da Xunta de Galicia (DOG do 12/02/2014), que outorgan ao reitor a facultade para asinar convenios en nome da Universidade de Santiago de Compostela

EXPOÑEN

Primeiro. Augas de Galicia, entidade creada pola Lei 9/2010, de 4 de novembro, de augas de Galicia (DOG Núm. 222, do 18.11.2010) e regulada polo Decreto 32/2012, do 12 de xaneiro, polo que se aproba o seu estatuto (DOG

Fondo Europeo de Desarrollo Regional
Una manera de hacer Europa

num.9, do 13.01.2012) é unha entidade pública empresarial do sector público autonómico de Galicia, adscrita á Consellería de Infraestruturas e Mobilidade con personalidade xurídica propia e plena capacidade de obrar para o cumprimento dos seus fins.


Augas de Galicia é competente para o establecemento de convenios ou acordos de colaboración e cooperación con administracións e entidades públicas para o desenvolvemento das actividades que constitúen o obxecto da entidade pública.

Segundo. A Universidade de Santiago de Compostela (USC) é unha entidade de dereito público que ten como fins prioritarios o fomento da investigación e a innovación, así como a transferencia á sociedade. Para o cumprimento destes fins, a Universidade de Santiago de Compostela mantén relacións con centros de investigación e con institucións culturais e sociais e promove a celebración de convenios de investigación e transferencia tecnolóxica e de coñecemento con entidades e organismos públicos e privados, así como de traballos de carácter científico, técnico, artístico ou docente.

A USC conta co Centro Singular Cretus, Centro de Investigación Interdisciplinar en Tecnoloxías Ambientais, aprobado polo Consello de Goberno da Universidade de Santiago de Compostela (USC), o 4 de decembro de 2020, co obxectivo de desenvolver e avaliar tecnoloxías ambientais sostibles buscando solucións que permitan minimizar impactos e riscos, tratando de recuperar recursos, a través de procesos que sexan económica, social e ambientalmente viables.

Terceiro. Augas de Galicia decidiu impulsar o proxecto Innovaugas 4.0 como unha ferramenta estratéxica cunha dobre vertente desde o punto de vista das políticas públicas: desenvolver solucións que permitan unha xestión avanzada dos recursos hídricos galegos que non se pode realizar de maneira adecuada coas solucións técnicas e tecnolóxicas que hoxe día ofrece o mercado; e impulsar a investigación e innovación desde o lado da demanda co fin de que esa mellora dos servizos públicos sexa cómplice dunha mellora da competitividade empresarial.


Fondo Europeo de Desarrollo Regional
Una manera de hacer Europa



Cuarto. O proxecto Innovaugas 4.0 concorreu e foi seleccionado na liña de Fomento da Innovación desde a Demanda para a Compra Pública de Innovación (en diante, Liña FID) do Ministerio de Ciencia e Innovación (en diante MCIN); un instrumento enmarcado no Programa Operativo Plurirregional de España (POPE) 2014-2020 especificamente deseñado para a concesión de axudas para o desenvolvemento de produtos ou servizos innovadores adquiridos por parte de compradores públicos a través do mecanismo da Compra Pública de Innovación (CPI). Os proxectos seleccionados no marco da Liña FID, como é o caso de Innovaugas 4.0, están cofinanciados nun 80% polo Fondo Europeo de Desenvolvemento Rexional 2014-2020 (FEDER). Neste sentido, con data 3 de decembro de 2020 formalizouse a firma do convenio entre o Ministerio de Ciencia e Innovación e o Ente Público Augas de Galicia (ADG) que regula as condicións do proxecto "Xestión avanzada dos recursos hídricos galegos INNOVAUGAS 4.0", cofinanciado con fondos FEDER.

Quinto. Innovaugas 4.0 estrutúrase ao redor de tres retos expostos para abordar as principais problemáticas ás que se enfronta Augas de Galicia como xestor de recursos hídricos:

- Reto 1: Sistema integral de información hidrolóxica para unha xestión avanzada dos recursos hídricos.
- Reto 2: Fortalecemento das capacidades de preparación e adaptación ao cambio climático.
- Reto 3: Economía circular no ciclo integral da auga.




Sexto. Para dar resposta ao reto 3, Augas de Galicia está traballando nun contrato de Compra Pública de Innovación, para o desenvolvemento, implantación e validación dun sistema para a optimización de parámetros de consumo enerxético e calidade da auga vertida ao medio receptor así como a realización de recomendacións de mellora baseadas en simulacións en tres estacións depuradoras de augas residuais.


Augas de Galicia identificou unha serie de actividades a realizar para a consecución do reto 3 que poden completarse mediante a colaboración efectiva e horizontal entre Augas de Galicia e un centro de investigación

Fondo Europeo de Desarrollo Regional
Una manera de hacer Europa

especializado, como o Centro Interdisciplinar de Investigación en Tecnoloxías Ambientais (CRETUS) da Universidade de Santiago



Sétimo. Tendo en conta que a Universidade de Santiago de Compostela centra a súa actividade na difusión do coñecemento, no fomento da investigación e na asesoría e que para Augas de Galicia é fundamental poder utilizar os resultados obtidos pola universidade nas súas investigacións, non só no ámbito rexional senón poder incorporar a súa experiencia de ámbito nacional e internacional ao ciclo da auga en Galicia; é de interese común para ambas as dúas partes actuar de forma coordinada para poder desenvolver diferentes actuacións e realizar intercambios de experiencias e coñecementos aportando as novidades obtidas en procesos de investigación de novas tecnoloxías, novas estratexias de xestión e planificación por parte da USC e integrando a experiencia da Administración Hidráulica de Galicia.



Oitavo. A Lei 14/2011, do 1 de xuño, da Ciencia, a Tecnoloxía e a Innovación, regula no seu artigo 34 a posibilidade de que os axentes públicos de financiamento ou execución do Sistema Español de Ciencia, Tecnoloxía e Innovación, incluídas as administracións públicas, as universidades públicas, os organismos públicos de investigación da Administración Xeral do Estado, os consorcios e fundacións participadas polas administracións públicas, os organismos de investigación doutras administracións públicas e os centros e institucións do Sistema Nacional de Saúde, poidan subscribir convenios administrativos entre eles ou con axentes privados que realicen actividades de investigación científica e técnica, nacionais, supranacionais ou estranxeiros, para a realización conxunta de, entre outras, as seguintes actividades:

- a) Proxectos e actuacións de investigación científica, desenvolvemento e innovación.
- c) Financiamento de proxectos científico-técnicos singulares.

Noveno. O obxecto deste convenio encadra na Estratexia de Especialización Intelixente de Galicia. Desde o punto de vista temático as actuacións incluídas no instrumento convencional encaixan no Reto 1 da RIS3 Galicia:

Fondo Europeo de Desarrollo Regional
Una manera de hacer Europa

"novo modelo de xestión dos recursos naturais e culturais baseado na innovación".




Consecuentemente co exposto, as partes deciden desenvolver as actuacións que se detallan no clausulado deste convenio, para así conseguir unha maior rendibilidade de esforzos nesta materia, con suxeición ás seguintes.

CLÁUSULAS

PRIMERA. OBXECTO

O obxecto deste convenio de colaboración é o establecemento das condicións que rexerán a cooperación entre Augas de Galicia e a Universidade de Santiago para a investigación e avance no modelo de circularidade no ciclo integral da auga en Galicia (en adiante, *Proxecto*).

SEGUNDA. CONTIDO DA COLABORACIÓN



No marco deste convenio de colaboración elaborárase de forma conxunta unha diagnose de oportunidades de economía circular na xestión do ciclo integral da auga en Galicia. Particularmente, abordarase o potencial de produción de enerxía mediante co-dixestión anaerobia de lodos e residuos en estacións depuradoras de augas residuais (EDAR), desenvolverase unha metodoloxía que permita a cuantificación das accións de economía circular a través da definición e validación de indicadores de circularidade na xestión e operación de EDAR e traballarase na consecución dunha percepción social favorable para usos de auga reciclada e recursos recuperados das augas residuais.

Por outra banda, avanzaase na investigación e desenvolvemento de propostas de accións para a implantación do modelo de economía circular. Nomeadamente, na produción selectiva de ácidos graxos volátiles, na obtención de bioplásticos a partir da fracción graxa da auga residual, na identificación de barreiras ambientais que dificulten a utilización da auga

Fondo Europeo de Desarrollo Regional
Una manera de hacer Europa

rexenerada e nas estratexias de alta carga que permitan maximizar o aproveitamento da materia orgánica na liña de lodos.

Por último, abordarase a problemática da asunción de fosas sépticas en estacións depuradoras de augas residuais, a través do balance de materias para cuantificar a marxe de absorción.




TERCEIRA. GRUPO DE TRABAJO

Para o cumprimento do obxecto deste convenio, crearase un grupo de traballo, formado por persoal de Augas de Galicia e da Universidade de Santiago de Compostela. Representará á USC a persoa designada como Dirección Técnica do proxecto quen coordinará e impulsará as tarefas do grupo, e desenvolverá as liñas de traballo e actividades recollidas neste convenio, para acadar os fins perseguidos con esta colaboración.

CUARTA. OBRIGAS DAS PARTES

Para o cumprimento do obxecto deste convenio;

- 
- Augas de Galicia obrígase a:
 - A chegar ao grupo de traballo os medios técnicos e persoais axeitados e necesarios para a realización das actividades.
 - A chegar toda a información relevante da que se dispoña actualmente para os efectos do desenvolvemento dos traballos obxecto deste convenio.
 - A chegar, para os efectos do previsto neste convenio, as cantidades estipuladas na cláusula sexta en concepto de compensación parcial de custos á Universidade de Santiago de Compostela.
 - A Universidade de Santiago de Compostela obrígase a:
 - A chegar ao grupo de traballo os medios materiais e persoais axeitados e necesarios para a realización das actividades descritas neste convenio, sen prexuízo de que Augas de Galicia lle compense unha parte dos custos nos que incorra.
 - Coordinar o grupo de traballo e impulsar as tarefas do grupo, e executar as actividades necesarias para a realización do obxecto do convenio.

Fondo Europeo de Desarrollo Regional
Una manera de hacer Europa


- Prestar apoio científico-técnico na elaboración de documentación parcial e final, coa aportación das materias novidasas obxecto do ámbito da súa investigación.
- Achegar calquera documento ou xustificante que lle sexa solicitado por ser necesario para a adecuada xustificación dos gastos vinculados ao presente convenio ante o Ministerio de Ciencia e Innovación como entidade cofinanciadora do proxecto Innovaugas 4.0.



QUINTA. RELACIÓN LABORAL

A subscrición deste convenio non implica relación laboral, contractual ou de calquera tipo, entre os profesionais que desenvolvan as actividades e a entidade pública empresarial Augas de Galicia, de tal xeito que non se lle poderá esixir responsabilidade ningunha, nin directa, nin subsidiaria, polos actos ou feitos ocorridos no desenvolvemento deste.

SEXTA. RÉXIME DE FINANCIAMENTO




En razón das achegas realizadas pola Universidade de Santiago de Compostela para o logro da finalidade común e como compensación dos gastos soportados no desenvolvemento da actividade, da que a súa desagregación queda recollida no anexo 1 a este convenio, a entidade pública empresarial Augas de Galicia achegará un importe máximo de 338.316,00 €, con cargo ao seu programa de actuacións, investimentos e financiamento, á conta 219 "Outro inmovilizado inmaterial" do Plan xeral de contabilidade pública de Galicia, coa seguinte distribución de anualidades:


2022	150.000,00 €
2023	188.316,00 €

A execución do convenio será cofinanciado nun 80% do gasto elixible pola Unión Europea a través do Fondo Europeo de Desenvolvemento Rexional (FEDER), no marco do Programa Operativo Feder Plurirrexional de España 2014-2020, enmarcándose no Obxectivo Temático 1 "Potenciar a investigación, o desenvolvemento tecnolóxico e a innovación"; Prioridade de

Fondo Europeo de Desarrollo Regional
Una manera de hacer Europa



Investimento 1.b "Fomento do investimento empresarial en I+i, o desenvolvemento de vínculos e sinerxias entre as empresas, os centros de investigación e desenvolvemento e o sector do ensino superior, en particular mediante o fomento do investimento no desenvolvemento de produtos e servizos, a transferencia de tecnoloxía, a innovación social, a innovación ecolóxica, as aplicacións de servizo público, o estímulo da demanda, a interconexión en rede, as agrupacións e a innovación aberta a través dunha especialización intelixente, e mediante o apoio á investigación tecnolóxica e aplicada, liñas piloto, accións de validación precoz dos produtos, capacidades de fabricación avanzada e primeira produción, en particular, en tecnoloxías facilitadoras esenciais e difusión de tecnoloxías polivalentes"; Obxectivo Específico 1.2.1 "Impulso e promoción de actividades de I+i lideradas por empresas, apoio á creación e consolidación de empresas innovadoras e apoio á compra pública innovadora"; Actuación 1.2.1.4 "Liña de Fomento da Innovación desde a Demanda (FID) e da Compra Pública Innovadora (CPI)" (segundo o documento Criterios e Procedementos de Selección de Operacións (CPSO)). Deste xeito, deberanse observar os criterios de elixibilidade, xestión, publicidade e control propios dos documentos de programación e da normativa comunitaria de aplicación ao FEDER.



Respectaranse, polo tanto, as normas de subvencionabilidade do gasto do Programa Operativo do citado fondo europeo, así como as normas de información e publicidade establecidas nas Guías de Publicidade e nas demais normas comunitarias que sexan de aplicación.

En canto aos prazos e modos do libramento da achega de Augas de Galicia á Universidade de Santiago, materializaranse mediante as transferencias dos fondos precisos á USC na conta bancaria da que a USC sexa titular, cuxa numeración facilitará a tal fin a Augas de Galicia, logo da presentación en Augas de Galicia, antes do 1 de decembro na anualidade 2022, e antes do 31 de marzo na anualidade 2023, da seguinte documentación acreditativa do cumprimento das cláusulas deste convenio:

- Unha memoria xustificativa das actuacións realizadas.
- Unha certificación expedida polo órgano de control que corresponda na que se acredite que se cumpriu a finalidade do presente Convenio e

Fondo Europeo de Desarrollo Regional
Una manera de hacer Europa

que os fondos foron destinados a este fin, así como o detalle da realización dos gastos e dos pagamentos.

- Calquera outro documento ou xustificante que sexa necesario para a adecuada xustificación dos gastos vinculados ao presente convenio ante o Ministerio de Ciencia e Innovación como entidade cofinanciadora do proxecto Innovaugas 4.0. Concretamente, en relación cos custos directos:

- Horas de persoal investigador e de apoio da USC xustificadas nas memorias con cadros de imputación de horas (asinado pola persoa responsable de recursos humanos e o propio persoal investigador).
- Viaxes e Dietas – follas de desprazamentos, tickets e facturas e pagamento bancario (tarifas ou prezos públicos aprobados pola USC).
- Funxibles e outros custos – facturas e documentos asociados ao gasto e pagamento bancario.
- A aportación da USC - Horas de persoal investigador USC xustificadas nas memorias con cadros de imputación de horas (asinado pola persoa responsable de recursos humanos e o propio persoal investigador).

A USC poderá xustificar con cargo á anualidade seguinte os gastos realizados no mes de decembro da anualidade 2022.

Non obstante, a medida que se vaian realizando as tarefas establecidas neste Convenio, Augas de Galicia poderá realizar os abonos parciais establecidos para cada tarefa no anexo 1 deste convenio, a medida que a USC xustifique a súa execución.

SÉTIMA. COMISIÓN DE SEGUIMIENTO

Para facilitar o seguimento e cumprimento dos traballos a desenvolver constituirase, a iniciativa de calquera das partes, unha comisión mixta formada por dous representantes de cada unha das partes para desenvolver as seguintes actuacións:

- Impulsar e avaliar o cumprimento deste convenio, propoñendo as actuacións que se consideren precisas.
- Interpretar, en caso de dúbida, o contido do convenio.

Fondo Europeo de Desarrollo Regional
Una manera de hacer Europa

- Propoñer ás partes a resolución das posibles controversias que puideran xurdir na aplicación do convenio.

Actuará como presidente un dos representantes de Augas de Galicia, con voto de calidade.

Esta comisión reunirse as veces que se estimen oportunas para o cumprimento do convenio.

Os membros desta comisión de seguimento poderán asistir ás reunións desta acompañados do persoal técnico que consideren oportuno. Ademais, cando se considere oportuno, a Comisión de Seguimento poderá requirir a asistencia técnica para a avaliación e análise das distintas cuestións sobre as que deban adoptarse acordos.

OITAVA. CONFIDENCIALIDADE E DEREITOS DE PROPIEDADE INDUSTRIAL E INTELECTUAL

As partes manterán confidencial calquera información previa que reciban da outra parte, non desvelándoa de ningún xeito sen autorización expresa da outra parte e non utilizándoa para calquera outro propósito que non sexa o expresamente permitido polo presente convenio.

A información adquirida, como datos, informe e solucións obtidas durante a realización do presente convenio, así como os resultados parciais e/ou finais, terán carácter confidencial. Cando unha das partes desexe utilizar, en parte ou na súa totalidade, a información adquirida para a súa publicación como artigo, conferencia, etc. deberá solicitar a conformidade á outra parte por escrito. A outra parte deberá responder nun prazo máximo de trinta (30) días, establecendo a súa autorización, as súas reservas ou a súa desconformidade sobre a información que se pretende difundir. Transcorrido devandito prazo sen obter resposta entenderase que o silencio é a tácita autorización para a súa difusión.

Esta obriga de confidencialidade non será de aplicación cando:

- a) A parte receptora poida demostrar que coñecía previamente a información recibida.
- b) A información recibida sexa ou pase a ser de dominio público.

Fondo Europeo de Desarrollo Regional
Una manera de hacer Europa

- c) A parte receptora obteña autorización previa e por escrito para a súa divulgación.
- d) A información sexa requirida xudicialmente.
- e) Se deban facer comunicacións no marco das tarefas que Augas de Galicia deba realizar para o adecuado cumprimento do *Convenio de colaboración entre o Ministerio de Ciencia e Innovación (MCIN) e a entidade pública empresarial Augas de Galicia para o proxecto "Xestión avanzada dos recursos hídricos galegos Innovaugas 4.0"*, cofinanciado con fondos FEDER a través do Programa Operativo FEDER Plurirrexional de España (POPE) 2014-2020; particularmente nas obrigas de comunicación co MCIN que Augas de Galicia adquiriu coa sinatura do citado convenio e de difusión pública para o coñecemento da sociedade.

Ambas as partes, comprométense igualmente a que todo o persoal que participa no desenvolvemento do proxecto coñeza e observe o compromiso de confidencialidade regulado por esta cláusula.

Cada parte manterá a propiedade industrial e intelectual dos coñecementos previos achegados. Durante o período de vixencia deste convenio, e sempre que sexa estritamente necesario para o desenvolvemento das actividades do convenio, así como para o cumprimento dos compromisos posteriores, as partes concederanse mutuamente os dereitos de acceso pertinentes aos devanditos coñecementos previos. En ningún caso, estes dereitos de acceso en relación cos coñecementos previos suporán a cesión da súa titularidade nin outorgarán ningún dereito sobre eles á outra parte.

A titularidade dos traballos e dos resultados obtidos no desenvolvemento deste convenio é compartida por Augas de Galicia e a USC. A Dirección do proxecto será responsable da preparación, solicitude, xestión e mantemento dos dereitos de propiedade novos xerados en relación aos resultados a través da Área de Valorización, Transferencia e Emprendimento (AVTE) da USC.

A USC poderá utilizar os resultados da execución do convenio exclusivamente para fins de investigación e académicos.

Fondo Europeo de Desarrollo Regional
Una manera de hacer Europa

Augas de Galicia poderá utilizar os resultados da execución do convenio para a xestión das competencias que ten atribuídas e para o exercicio dos dereitos de explotación, de calquera forma e modalidade.

As partes deberán informarse mutuamente de calquera resultado novo xerado. Informarase, en especial, daqueles resultados con potencial comercial: sexan ou non protexibles por calquera modalidade. Ademais, previo á publicación de resultados, deberán identificarse aqueles que poden ser susceptibles de ser protexidos por propiedade intelectual e/ou industrial, e proceder ao seu rexistro e protección naqueles casos que sexa viable.

As partes cooperarán na xestión dos dereitos de propiedade e na preparación da resposta a calquera comunicación, ou outro tipo de actuación, procedente de calquera oficina ou órgano competente.

No caso de infracción dalgún dos dereitos de propiedade xerados en virtude do presente convenio por parte dun terceiro, a parte que teña coñecemento dela notificarao á outra, achegando todas as probas da infracción á súa disposición. As partes cooperarán e farán esforzos razoables para deter tal infracción.

NOVENA.- NATUREZA DO CONVENIO

Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo. A xurisdición competente para resolver as cuestións litixiosas que poidan xurdir é a contencioso-administrativa.

DÉCIMA. VIXENCIA DO CONVENIO

O convenio terá efecto dende o día seguinte ao da súa sinatura, e estenderá a súa vixencia ata o 31 de maio de 2023.

UNDÉCIMA. MODIFICACIÓN DO CONVENIO

Calquera modificación no contido deste convenio, requirirá acordo entre Augas de Galicia e a USC e tramitarase a través dunha addenda ao convenio. Non obstante, non se considerará modificación deste instrumento

Fondo Europeo de Desarrollo Regional
Una manera de hacer Europa

convencional a distribución interna entre as anualidades establecidas do crédito en principio determinado para cada unha delas, sempre que non se incremente o seu importe global. De ser o caso, o importe dunha anualidade non xustificada pasará á anualidade seguinte, previa formalización de acordo entre as partes que recolla a conformidade na nova repartición de anualidades.




DUODÉCIMA. EXTINCIÓN DO CONVENIO

Será causa de extinción automática do convenio:

- O cumprimento do seu obxecto
- O transcurso do seu prazo de vixencia
- Que a Unión Europea non cofinancie o contido desta colaboración a través dos seus fondos estruturais ou de investimento.

Este convenio tamén poderá extinguirse por incorrer nalgunha das seguintes causas de resolución:

- 
- O mutuo acordo entre as partes asinantes.
 - A inviabilidade da realización das actividades descritas neste convenio, por causas non imputables ás partes.
 - O incumprimento grave do seu contido ou das obrigas das partes, sen prexuízo dos danos e responsabilidades imputables ao causante.


DÉCIMO TERCEIRA. PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), e da Lei Orgánica 3/2018, do 5 de decembro, de protección de datos persoais e garantía dos dereitos dixitais e demais normativa vixente de aplicación en cada momento en materia de protección de datos


As partes asinantes consenten expresamente a inclusión e a publicidade dos seus datos persoais e demais especificacións recollidas neste convenio, no

Fondo Europeo de Desarrollo Regional
Una manera de hacer Europa

Portal de transparencia e Goberno aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, e no Decreto 126/2006, do 20 de xullo, polo que se regula o Rexistro de Convenios da Xunta de Galicia.



Este convenio enmárcase no Programa Operativo Plurirrexional de España (POPE) 2014-2020 cofinanciado nun 80% polo Fondo Europeo de Desenvolvemento Rexional, polo que está suxeito ao estricto cumprimento da normativa nacional e comunitaria, especialmente ás previsións en materia de contratación, publicidade e comunicación contidas no Regulamento (UE) 1303/2013 do Parlamento Europeo e do Consello polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e da Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca.



Así, as partes asinantes garantirán o estricto cumprimento da normativa de publicidade prevista no citado Regulamento, e en particular a utilización da imaxe do Fondo Financiador (FEDER) en todos os documentos que se xeren no marco deste convenio. As partes asinantes cumprirán as obrigacións de información e publicidade establecidas no anexo XII, sección 2.2 do Regulamento (UE) 1303/2013 do Parlamento Europeo e do Consello do 17 de decembro de 2013, e, especialmente, as seguintes

- a) Nos documentos de traballo, así como nos informes e en calquera tipo de soporte que se utilice nas actuacións no marco deste convenio, aparecerá de forma visible e destacada o emblema da UE, facendo referencia expresa á Unión Europea e o Fondo Europeo de Desenvolvemento Rexional.
- b) En toda difusión pública ou referencia ás actuacións previstas no marco deste convenio, calquera que sexa o medio elixido (folletos, carteis, etc.), deberanse incluír de modo destacado os seguintes elementos: emblema da Unión Europea de conformidade coas normas gráficas establecidas, así como a referencia á Unión Europea e ao

Fondo Europeo de Desarrollo Regional
Una maneira de hacer Europa

Fondo Europeo de Desenvolvemento Rexional, incluíndo o lema "Unha maneira de facer Europa".

DÉCIMO CUARTA. LOITA CONTRA A FRAUDE

Ambas as partes comprométense a previr activamente a fraude e cumprir as medidas previstas para ese efecto na normativa de aplicación. Calquera persoa que teña coñecemento de feitos que puidesen ser constitutivos de fraude ou irregularidade en relación con proxectos ou operacións financiados total ou parcialmente con cargo a fondos procedentes da Unión Europea no marco de presente convenio poderá poñer devanditos feitos en coñecemento do Servizo Nacional de Coordinación Antifraude da Intervención Xeral da Administración do Estado, nos termos establecidos na Comunicación 1/2017, do 6 de abril, do citado Servizo, por medios electrónicos ou a través da canle habilitada polo devandito Servizo na dirección web <https://www.igae.pap.hacienda.gob.es/sitios/igae/es-ES/snca/Paginas/inicio.aspx>.

E para que así conste, en proba de conformidade coas cláusulas deste convenio, as partes asinan por duplicado exemplar este documento no lugar e data do encabezado

A presidenta de Augas de Galicia



Ethel María Vázquez Mourelle

O reitor magnífico da Universidade de Santiago de Compostela



Antonio López Díaz

Fondo Europeo de Desarrollo Regional
Una manera de hacer Europa

ANEXO 1

Tarefa	Descrición actividade	ACHEGAS (Euros)	
		Augas de Galicia	USC
1.1	Potencial de produción de enerxía mediante co-dixestión anaerobia de lodos e residuos nas EDAR de Galicia	57.328,33	2.556,66
1.2	Desenvolvemento e aplicación dunha metodoloxía para a diagnose e cuantificación de accións de economía circular en EDAR	63.636,69	6.400,00
1.3	Percepción e aceptación dos usos da auga reciclada e dos recursos recuperados das augas residuais	31.916,33	4.752,00
2.1	Produción selectiva de ácidos graxos volátiles a partir de lodos e residuos orgánicos	34.128,33	2.556,67
2.2	Obtención de bioplásticos a partir da fracción graxa de auga residual	34.084,33	6.369,00
2.3	Identificación de barreiras ambientais que dificultan o uso de auga rexenerada	34.248,33	6.820,00
2.4	Estratexias de alta carga para maximizar o aproveitamento de materia orgánica en liña de lodos	34.128,33	2.556,67
3.1	Balances de materias para cuantificar a marxe de absorción de fosas sépticas en EDAR pequenas en función da tecnoloxía aplicada	48.845,33	3.275,00
	TOTAL	338.316,00	35.286,00